

आकाशवाणी

खबरां नरेश शर्मा कोला

- प्रधानमंत्री नरेंद्र मोदी ते म्यांमार दे राष्ट्रपति यू मिन आउंग हलेंग हुं'दे बशकार अज्ज नमीं दिल्ली च होई दपक्खी गल्लबात।
- भारत-ओमान व्यापक आर्थिक सांझ-भ्याली समझौता अज्ज लागू होई गोआ ऐ। भारती निर्यातकें गी ओमान 98 फीसदी उत्पाद समूहें पर शुल्क मुक्त बजार पुज्जत थोई जाहग।
- पच्छिम बंगाल च मुखमंत्री शुभेंदु अधिकारी हुं'दी अगुवाई आहले मंत्रिमंडल दा विस्तार कीता गोआ ऐ। 35 में मंत्रियें गी मंत्रिमंडल च शामिल कीता गोआ ऐ।
- चीजें-बस्तें ते सेवा टैक्स (जीएसटी) दी सकल गराई मई म्हीने बदियै 1 लक्ख 94 जहार करोड़ रपे कोला उप्पर टप्पी गई ऐ।
- पी.एम स्वनिधि योजना दे 6 बरे पूरे होई गे न। प्रधानमंत्री नरेंद्र मोदी हौरें आखेआ ऐ जे इस स्कीम कन्नै रेहडी-फड़ी आहलें लेई तरक्की बाद्दे दे नमें मौके खुल्ली गे नं
- अमरीका आसेआ इरान दे रडार ते ड्रोन कंट्रोल साइटें पर कीते गेदे हमले कन्नै पच्छमी एशिया च परतियै तनोतनी आले हालात बनी गे न।

<><><><><><>

प्रधानमंत्री नरेंद्र मोदी ते म्यांमार दे राष्ट्रपति यू मिन आंग हाइंग हुं'दे बश्कार अज्ज नर्मी दिल्ली च दपक्खी गल्लबात होई। इस गल्लबात दा मकसद ऐतिहासिक ते सभ्यता दे सरबंधें गी होर निग्गर करना ऐ। गल्लबात दरान म्यांमार ते भारत दे बश्कार सुरक्षा ते संपर्क समेत दौनें मुल्खें दे सरबंधें दे सब्भनें पैहलुएं पर चर्चा होई। म्यांमार दे राष्ट्रपति हुंदा अज्ज संझा राष्ट्रपति भवन च राष्ट्रपति द्रोपदी मुर्मू हुंदे कन्नै मुलाकात करने दा प्रोग्राम ऐ। ओह राष्ट्री राजधानी च राय पिथोरा सांस्कृतिक अहाते च प्रकाश ते कमल जागृह व्यक्ति दे अवशेष नुमाइश दा बी दौरा करडन। म्यांमार दे राष्ट्रपति होर शनिवारें 5एं दिनें दी भारत दी जातरा पर बिहार दे गया पुज्जे हे। ओह बपार ते उद्योग जगत दे नुमाइदें कन्नै गल्लबात करने लेई कल मुम्बई बी जाडन।

<><><><><><><><>

India Oman CEPA

भारत-ओमान व्यापक आर्थिक सांझ भ्याली समझौता सी.ई.पी.ए अज्जै सवां लागू होई गेआ ऐ। बपार ते उद्योग मंत्री पीयूष गोयल होरें आखेआ जे एह समझौता दौनें मुल्खें दे आर्थिक ते रणनीतिक सरबंधें गी होर निग्गर करग। इक राष्ट्री बखबार च छपे दे लेख च श्री गोयल होरें आखेआ जे एह समझौता नमें बजार खोलग, एहदे कन्नै निर्यात च बाददा हाग ते निवेश गी बी बढ़ावा थहोग। श्री गोयल होरें आखेआ जे व्यापक आर्थिक सांझ-भ्याली समझौते कन्नै भारती निर्यातकें गी ओमान च 98 फीसदी उत्पाद समूहें पर शुल्क मुक्त बजार पुज्जत थहोग। मंत्री होरें आखेआ जे एहदे कन्नै रोजगार च बाददा होग ते विद्यार्थियें, कम्मगारें, महिलाएं, करसानें-मच्छेरें ते लोहके, भलेआं लोहके ते दरम्याने दर्जे दे उद्यमें गी फायदा होग।



Census

मरदमशुमी दे मुख चरण दी शुरुआत अज्जै थमां होई गई ऐ। इस गेड़ च नियुक्त मतगणना अधिकारी ते एन्यूमरेटर फिल्ड च जाइयै घर-घर सर्वेक्षण करडन। आपू अपने ब्योरे ऑनलाईन दर्ज करने आहला चरण मुक्की गोआ ऐ। हुन इस चरण च अधिकारी घर-घर जाइयै आंकड़े किट्ठे करडन। सरबन्धी अफसरें लोकें गी अपील कीती ऐ जे ओह इनें लोकें दा सहयोग करन तां जे एह प्रक्रिया सुचारु ंगै नै सम्पन्न होई सकै ते स्टीक ते सेई जानकारी हासल होई सकै।



WB-Cabinet

पच्छम बंगाल च मुखमंत्री शुभेंदु अधिकारी हुं'दी अगुवाई आहले मंत्रिमंडल दा अज्ज विस्तार कीता गोआ। 35 में मंत्रियें गी मंत्रिमंडल च शामिल कीता गोआ जेदे कन्नै मंत्रियें दे कौंसल दी गिनतरी 41 होई गई ऐ। गवर्नर आर.एन. रवि होरें कोलकाता च लोकभवन च लग्गे दे प्रोग्राम च भारती जनता पार्टी दे 35एं विधायकें गी ओहदे ते राजधारी दी सगंध चुकाई। अज्ज आले विस्तार च 13 कैबिनेट मंत्री बनाए गए। अज्ज मंत्रिमंडल च मंत्री दे तौरा पर सगंध लैने आहले सदस्यें च स्वपन दासगुप्ता, अर्जुन सिंह, तापस राय, शंकर घोश ते होर शामिल हे। मुखमंत्री शुभेंदु अधिकारी होर सीनियर राजनीतिक लीडरें, सरकारी अधिकारियें ते सददे गेदे परौहनें दे कन्नै समारोह च मौजूद हे। नमें मंत्री राज्य दे बक्ख-बक्ख इलाकें दी नुमाइंदगी करदे न ते इन्दे च तजुर्बेकार विधायकें दे कन्नै-कन्नै पैहली बारी मंत्री बनने आहले मेम्बर शामिल न।

मगरा आया ऐ। 8 अप्रैल 1966 गी पैदा होए दे न्याऽधीश संजीव कुमार होरें 1989 च यूनिवर्सिटी जम्मू थमां ला डिग्री हासिल कीती ही।

<><><><><><><><>

West Asia Tension

अमरीका आसेआ ईरानी रडार ते ड्रोन नियंत्रण आहली थाहें पर कीते गेदे हमलें दे मगरा पच्छमी एशिया च इक्क बारी परतियै तनोतनी आहले हालात बनी गे न। अमरीका नै गोरूक ते केशम द्वीप गी नशाना बनाइयै एह हमले कीते न। अमरीकी कमान नै आखेआ ऐ जे एह कार्रवाई अंतरराष्ट्री जलक्षेत्र चसंचालित होआ करदे इक अमरीकी एम. क्यू-9 ड्रोन गी ईरान आसेआ तबाह कीते जाने दे जवाब च कीती गई ऐ। तोआई, कुवैत नै अज्ज आखेआ ऐ जे ओदी ब्हाई रक्षा प्रणाली मुख्यै च आवा करदियें मिसाइलें ते ड्रोनें दा पता लाइयै उनेंगी अपने पास्सै आने सवां रोकने लेई सक्रिय करी दिती गई ऐ। कुवैत पर कुसै बी ग्रुप नै हमले दी जिम्मेदारी नेई लैती ऐ। हाल दे हमले कन्ने ईरान युद्ध च लग्गी दी लड़ाईबंदी नाजुक स्थिति च आई गेदी ऐ। फौजी झड़फे दे बावजूद कूटनीतिक रस्ते एल्लै बी खुल्ले न। अमरीकी राष्ट्रपति डोनाल्ड ट्रम्प होरें आखेआ ऐ जे ओह ईरान कन्ने इक खरा समझौता करने दे कोल पुज्जी गेदे न।

<><><><><><><><>

Commercial LPG

होटल, रेस्तरां ते होर दुए कारोबारी इदारें च इस्तेमाल कीते जाने आहले 19 किलोग्राम दे दे कमर्शियल एलपीजी सिलेंडर दी कीमतें च मुख्य भरे च बाद्दा होआ ऐ। हालांकि घरें च इस्तेमाल होने आहली रसोई गैस दी दरें च बदलाव नेई होआ ऐ। दिल्ली च कारोबारी

हांगकांग च 22मी एशियाई अंडर-20 एथलेटिक्स चॅंपियनशिप च भारत 19 तगमे जित्तिये दुई थाहर उप्पर रेआ ऐ। भारत न 10 सुन्ने दे, 5 चांदी दे ते 4 कैह दे तगमे जिते न। एह मुख्ये दे बाहर इस प्रतियोगिता च भारत दा सब्भनें कोला बेहतर प्रदर्शन हा। पिछले म्हीने 28 कोला लेइयै 31 तरीक धोड़ी होई दी इस टूर्नामेंट च भारत दे 48 एथलीट शामिल होए दे हे। एहदे च 30 मर्द ते 18 महिलाएं शामिल हिआं। प्रधानमंत्री नरेंद्र मोदी होरें भारती दल गी ममारखां दित्तियां न। इक्क सोशल मीडिया ट्वीट च उनें आखेआ जे एह शानदार प्रदर्शन भारत दे नौजवान खडारियें दे धेइयै ते बेहतर होने गी दस्सदा ऐ।

<><><><><><>